



სსიპ საჯარო რეესტრის ეროვნული სააგენტო

სატენდერო დოკუმენტაცია

კახეთის რეგიონის ტერიტორიაზე სახელმწიფო სანიველირო ნიშნების მოკვლევის მომსახურების შესყიდვა

ელექტრონული ტენდერის საშუალებით
(CPV-713000000)

2015 წელი
ქ. თბილისი

ს ა რ ზ ე ვ ი

1. ინსტრუქცია ტენდერში მონაწილეთათვის.
2. ტექნიკური დოკუმენტაცია.
3. სახელმწიფო შესყიდვის შესახებ ხელშეკრულების პროექტი
4. დანართი №1 - ტექნიკური დავალება.
5. ფასთა ცხრილის ფორმა (დანართი №2)

ცალკე დოკუმენტების სახით ატვირთული დანართები:

- კახეთის რეგიონის ტერიტორიაზე მოსაკვლევ სახელმწიფო სანიველირო რეპერების სქემა (არეალი)
- სანიველირო რეპერების დამაგრების ტიპების ნახაზები
- სახელმწიფო სანიველირო ნიშნების საველე მოკვლევისა და სანიველირო ხაზების რეკოგნოსცირების ინსტრუქცია

1. ინსტრუქცია ტენდერში მონაწილეთათვის

1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემაში (შემდგომში - სისტემა).

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. სატენდერო წინადადების წარდგენისთვის უნდა იყოს დარეგისტრირებული სისტემაში მიმწოდებლის სტატუსით, შემდეგ ვალდებული ხარტ გაეცნოს აფიდავას და დაეთანხმოს მას (გაცნობას და თანხმობას ადასტურებთ სისტემის მეშვეობით).

1.4. ამის შემდეგ მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.5. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.6. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთვამდე სახელმწიფო შესყიდვების განხორციელების წესის შესახებ დებულებით გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

1.7. მას შემდეგ რაც ზემოაღნიშნულ ქმედებებს განხორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.8. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.9. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით,

1.10. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.11. სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.12. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.13. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.14. დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი, დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.15. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით. კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დაფიქსირა, ხოლო ყოველ მომდევნო რაუნდში – კი ის

პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.16. მას შემდეგ რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით, ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.17. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.18. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისთვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას სატენდერო წინადადების ფასზე.

1.19. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული) შემსყიდველი დებს მასთან სახელმწიფო შესყიდვების შესახებ ხელშეკრულებას.

1.20. ყველაზე დაბალის ფასის მქონე პრეტენდენტის დისკვალიფიკაციის შემთხვევაში შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.21. ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/ და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევაში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე.

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობათან დაკავშირებული ხარჯები.

1.22. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.23. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.24. სახელმწიფო შესყიდვების ერთიან ელექტრონულ სისტემაში (შემდგომში - სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.25. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.

1.26. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.27. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სახელმწიფო შესყიდვების ერთიან ელექტრონულ სისტემაში კითხვა/პასუხის რეჟიმის გამოყენებით

და სატენდერო კომისიის აპარატში, წერილობითი მიმართვის შემთხვევაში. ქ. თბილისი, წმინდა ნიკოლოზის/წინო ჩხეიძის ქ. #2 საკონტაქტო პირი: თენგიზ ჯუღელი ტელ: 2 910517 შიდა – 7058.

2. ხელშეკრულების სავალდებულო პირობები

2.1. შესასყიდი ობიექტის დასახელება, აღწერილობა, მოცულობა ვადები,

2.1.1. წინამდებარე სატენდერო დოკუმენტაცია ითვალისწინებს კახეთის რეგიონის ტერიტორიაზე სახელმწიფო სანიველირო ნიშნების მოკვლევის მომსახურების შესყიდვას.

2.1.2. შესასყიდი მომსახურების აღწერილობა და პირობები განისაზღვრება სატენდერო დოკუმენტაციით განსაზღვრული ტექნიკური დავალებით (დანართი #1).

2.1.3 ტექნიკური დავალებით გათვალისწინებული მომსახურება უნდა განხორციელდეს და შემსყიდველს უნდა მიეწოდოს სრული მოცულობით განხორციელებული მომსახურების შედეგები (ტექნიკური დავალების მე-7 პუნქტით გათვალისწინებული საბოლოო პროდუქტები) ხელშეკრულების გაფორმებიდან 2015 წლის 22 ივლისის ჩათვლით პერიოდის განმავლობაში, ერთიანად ან ეტაპობრივად.

2.2. სატენდერო წინადადების გაანგარიშების წესი:

პრეტენდენტის მიერ წარმოდგენილი სატენდერო წინადადების ფასი გაანგარიშებული უნდა იყოს პრეტენდენტის მიერ შედგენილი ფასთა ცხრილით და უნდა ითვალისწინებდეს სატენდერო დოკუმენტაციით განსაზღვრული, მიმწოდებლის ვალდებულებების შესრულებასთან დაკავშირებულ ყველა ხარჯს, მათ შორის ტრანსპორტირებასთან დაკავშირებულ ხარჯებს, და კანონმდებლობით გათვალისწინებულ ყველა გადასახადს. ნებისმიერ ხარჯი, რომელიც არ იქნება გათვალისწინებული სატენდერო წინადადების ფასში არ ანაზღაურდება.

2.3. ანგარიშსწორების სავალდებულო პირობები

2.3.1. წინასწარი ანგარიშსწორება არ გამოიყენება.

2.3.2. მიმწოდებელს აუნაზღაურდება მთლიანი შესასყიდი მომსახურების ან მისი ნაწილის ღირებულება საგადასახადო ანგარიშ-ფაქტურის წარმოდგენის შემდეგ (თუ მიმწოდებელი დღგ-ს გადამხდელია), მხარეთა მიერ გაფორმებული შესაბამისი მიღება-ჩაბარების აქტის საფუძველზე, მიღება-ჩაბარების აქტის გაფორმებიდან 15 სამუშაო დღის ვადაში. თუ საგადასახადო ანგარიშ-ფაქტურა გამოიწერა მიღება-ჩაბარების აქტის გაფორმების შემდეგ, ანგარიშსწორების ვადა აითვლება ანგარიშ-ფაქტურის გამოწერის დღიდან.

3 პრეტენდენტის ტექნიკური დოკუმენტაცია

3.1. პრეტენდენტმა უნდა წარმოადგინოს ფასთა ცხრილი სატენდერო დოკუმენტაციის დანართი №2-ის შესაბამისად. ფასთა ცხრილის წარმოდგენით პრეტენდენტი ავტომატურად ადასტურებს მის ვალდებულებას, გამარჯვების შემთხვევაში, განახორციელოს მომსახურება წინამდებარე სატენდერო დოკუმენტაციით გათვალისწინებული პირობების ზუსტი დაცვით და ავტომატურად ეთანხმება სატენდერო დოკუმენტაციით განსაზღვრულ ანგარიშსწორების პირობებს.

3.2. სატენდერო დოკუმენტაციით გათვალისწინებულ სამუშაოების შესრულებაზე პასუხისმგებელ პირს (ტექნიკურ მენეჯერს) უნდა გააჩნდეს განათლება გეოდეზიის (ტოპოგრაფიის) სპეციალობით, უნდა ჰქონდეს ამ სპეციალობით მუშაობის არანაკლებ 3 წლიანი გამოცდილება და, აქედან, აუცილებლად, უნდა ჰქონდეს სახელმწიფო სანიველირო ქსელის რეპერების მოკვლევის, აღდგენის და სანიველირო სვლების გატარების სამუშაოების შესრულების გამოცდილება. პრეტენდენტმა უნდა წარმოადგინოს შესასრულებელ სამუშაოებზე პასუხისმგებელი პირის (ტექნიკური მენეჯერის) ვინაობა, განათლების დამადასტურებელი დოკუმენტის ასლი, დამსაქმებელი ორგანიზაცი(ებ)ის, თანამდებობ(ებ)ის დასახელება, თანამდებობაზე მუშაობის ხანგრძლივობა, სამუშაო(ებ)ის აღწერილობა. პრეტენდენტმა შესრულებულ სამუშაოებზე პასუხისმგებელ პირად (ტექნიკურ მენეჯერად) უნდა გამოეყოს ერთი ადამიანი.

3.3. პრეტენდენტმა უნდა წარმოადგინოს შესაბამისად უფლებამოსილი პირის მიერ დამოწმებული ინფორმაცია პრეტენდენტი იურიდიული პირის სამართლებრივ-ორგანიზაციული ფორმის, სახელწოდების, იურიდიული მისამართის, საბანკო რეკვიზიტების, წარმომადგენლობითი უფლებამოსილების მქონე პირების, საიდენტიფიკაციო კოდის შესახებ.

4. საკვალიფიკაციო მონაცემების დამადასტურებელი დოკუმენტები:

საკვალიფიკაციო მოთხოვნების თანახმად, პრეტენდენტმა სატენდერო კომისიის მიერ დადგენილ ვადაში, მაგრამ მოთხოვნიდან არაუგვიანეს 5 სამუშაო დღეში, უნდა წარმოადგინოს:

4.1. ამონაწერი მეწარმეთა და არასამეწარმეო (არაკომერციული) პირების რეესტრიდან;

4.2. ცნობა/ინფორმაცია უფლებამოსილი ორგანო(ები)დან, რომლითაც დადასტურდება რომ პრეტენდენტის მიმართ არ მიმდინარეობს რეორგანიზაცია/ლიკვიდაცია და გადახდისუნარობის პროცესი. **(შენიშვნა: თუ ამ პუნქტით გათვალისწინებული ფაქტების დამადასტურებელ ინფორმაციას შეიცავს ამონაწერი მეწარმეთა და არასამეწარმეო (არაკომერციული) პირების რეესტრიდან, პრეტენდენტს არ მოეთხოვება, დამატებით, რაიმე ცნობის წარმოდგენა);**

4.3. ცნობა შემოსავლების სამსახურიდან, რომლითაც დადასტურდება რომ პრეტენდენტს არ გააჩნია ბიუჯეტის წინაშე დავალიანება.

4.4. თეთრ სიაში რეგისტრირებული მიმწოდებლები თავისუფლდებიან სატენდერო დოკუმენტაციის მე-4 თავით გათვალისწინებული საკვალიფიკაციო მონაცემების დამადასტურებელი დოკუმენტების შემსყიდველისთვის წარდგენისაგან.

4.5. რეორგანიზაცია/ლიკვიდაციის ცნობის/ინფორმაციის (პუნქტი 4.2) წარმოდგენის მოთხოვნა არ ეხებათ ინდივიდუალურ მეწარმეებს

4.6. საკვალიფიკაციო მოთხოვნების დამადასტურებელი, ადმინისტრაციული ორგანოებიდან გასაცემი დოკუმენტები გაცემული უნდა იყოს სატენდერო წინადადებების მიღების ეტაპის დაწყების შემდეგ.

4. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

--- 2015 წ.

საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი თავმჯდომარის მოადგილის ალექსანდრე თევდორაძის სახით და ----- შემდგომში წოდებული „მიმწოდებლად“, წარმოდგენილი ----- სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული მომსახურება.

1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1 ხელშეკრულების საგანია კახეთის რეგიონის ტერიტორიაზე სახელმწიფო სანიველირო ნიშნების მოკვლევის მომსახურების შესყიდვა.

2.2 მომსახურების აღწერილობა განისაზღვრება სატენდერო დოკუმენტაციის ტექნიკური დავალებით.

3 ხელშეკრულების ღირებულება

3.2 ხელშეკრულების ღირებულება შეადგენს ----- (-----) ლარს,

3.2. ხელშეკრულების ღირებულება მოიცავს წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, დღგ-ს ჩათვლით.

4 მხარეთა ვალდებულებები

4.1. მიმწოდებელი ვალდებულია:

ა) უზრუნველყოს სატენდერო დოკუმენტაციის ტექნიკური დავალებით გათვალისწინებული მომსახურების განხორციელება და მიაწოდოს სრული მოცულობით განხორციელებული მომსახურების შედეგები (ტექნიკური დავალების მე-7 პუნქტით გათვალისწინებული საბოლოო პროდუქტები) შემსყიდველს

ხელშეკრულების გაფორმებიდან 2015 წლის 22 ივლისის ჩათვლით პერიოდის განმავლობაში (ერთიანად ან ეტაპობრივად).

ბ) განახორციელოს მომსახურება მის მიერ წარმოდგენილი სატენდერო წინადადებისა და სატენდერო დოკუმენტაციის შესაბამისად

გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ინსპექტირების განხორციელება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5 გარანტია

მიმწოდებელი იძლევა გარანტიას რომ მის მიერ გაწეული მომსახურება დააკმაყოფილებს საქართველოში მოქმედი ნორმებითა და საერთაშორისო სტანდარტებით ამ სფეროში დადგენილ ყველა მოთხოვნას.

6 ინსპექტირება

6.2 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

6.3 ინსპექტირებას განახორციელებენ შემსყიდველის თანამშრომელ(ებ)ი.

6.4 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

6.5 შემსყიდველის შესაბამისი წარმომადგენელი უფლებამოსილია ჩაატაროს ხარისხის კონტროლი და თუ აღმოჩნდება წუნი, მიმწოდებელი ვალდებულია მოახდინოს რეაგირება და გამოასწოროს წუნი შესაძლო უმოკლეს ვადაში.

7.მომსახურების მიღება-ჩაბარების წესი

შესყიდვის ობიექტი ან შესყიდვის ობიექტის ნაწილი ჩაითვლება მიღებულად მხარეთა მიერ გაფორმებული მიღება-ჩაბარების აქტის საფუძველზე. მიღება-ჩაბარების აქტი ფორმდება ინსპექტირების განმახორციელებელი პირის მიერ შედგენილი დადადებითი დასკვნის მქონე ინსპექტირების აქტის საფუძველზე.

8. ანგარიშსწორება

8.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;

გ) დაფინანსების წყარო – სსიპ საჯარო რეესტრის ეროვნული სააგენტოს საკუთარი შემოსავლები

8.2. ანგარიშსწორება მოხდება მხარეთა მიერ გაფორმებული მიღება-ჩაბარების აქტის საფუძველზე, საგადასახადო ანგარიშ-ფაქტურის წარმოდგენის შემდეგ, თუ მიმწოდებელი დღგ-ს გადამხდელია, მიღება-ჩაბარების აქტის გაფორმებიდან 15 სამუშაო დღის განმავლობაში. თუ საგადასახადო ანგარიშ-ფაქტურა გამოიწერა მიღება-ჩაბარების აქტის გაფორმების შემდეგ, ანგარიშსწორების ვადის ათვლა დაიწყება მისი გამოწერის დღიდან.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს

გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

10.2. თუ ერთი-ერთი მხარე არ ასრულებს ხელშეკრულების საგანთან დაკავშირებულ ვალდებულებას, მეორე მხარე წერილობითი ფორმით აფრთხილებს მას შეასრულოს ხელშეკრულებით ნაკისრი ვალდებულება. თუ მიუხედავად გაფრთხილებისა მხარე კვლავ არ ასრულებს ან არსებითად არღვევს მის მიერ ნაკისრ ვალდებულებას, დაზარალებულ მხარეს უფლება აქვს ცალმხრივად შეწყვიტოს ხელშეკრულების მოქმედება.

10.3. თუ შემსყიდველის მიერ გადამოწმებისას გაირკვევა, რომ მიმწოდებლის მიერ „განადგურებული“-ად მითითებული რეპერი ფიზიკურად არსებობს, მიმწოდებელს დაეკისრება პირგასამტეხლო რეპერის მოკვლევის ღირებულების ოდენობით, ხოლო თუ ასეთი რეპერები აღმოჩნდება 2-ზე მეტი, შემსყიდველს უფლება აქვს მოითხოვოს მიმწოდებლის მიერ წარმოდგენილი ყველა რეპერის მოკვლევის განმეორებით ჩატარება.

10.4. წინამდებარე ხელშეკრულების 4.1 პუნქტის „ა“ ქვეპუნქტებით გათვალისწინებული ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე, ვადაგადაცილებული ვალდებულების შესრულების ღირებულების 0.1%-ის ოდენობით.

10.5. წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე გადაუხდელი თანხის 0.1%-ის ოდენობით.

10.6. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოითხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის მისი ხელმოწერის დღიდან და მოქმედებს 2015 წლის 31 დეკემბრის ჩათვლით.

15. ფორს-მაჟორი

15.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებთან და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

15.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამ, თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

17. მხარეთ რეკვიზიტები

შემსყიდველი:

საჯარო რეესტრის ეროვნული სააგენტო,

წარმოდგენილი თავმჯდომარის მოადგილის

ალექსანდრე თევდორაძის სახით,

მისამართი: ქ. თბილისი, წმინდა ნიკოლოზის/ნ. ჩხეიძის ქ. №2

საბანკო რეკვიზიტები: ანგ. №GE46BG000000113686601,

სს „საქართველოს ბანკი“, კოდი: BAGAGE22,

სკ - 202238621

მიმწოდებელი:

წარმოდგენილი ----- სახით,

მისამართი: -----

საბანკო რეკვიზიტები: ანგ. №-----,

სს -----, კოდი: -----,

სკ -----

ტექნიკური დავალება სახელმწიფო სანიველირო ქსელის რეპერების მოკვლევასთან დაკავშირებით „კახეთის“ ტერიტორიაზე

1. ზოგადი ინფორმაცია

- 1.1 შესყიდვის დანიშნულებაა საქართველოს სახელმწიფო სანიველირო ქსელის რეკონსტრუქცია, არსებული რეპერების მონაცემთა ბაზის შექმნა. რათა შემდგომში შეიქმნას საქართველოს ზუსტი, ციფრული კვაზიგეოდალური (სიმაღლური) მოდელი. GNSS (GPS) - მიმღებში ჩატვირთული ციფრული „კვაზიგეოდალური მოდელი“ საშუალებას იძლევა ადგილზე განსაზღვროს საჭირო წერტილების აბსოლუტური სიმაღლეები ქვეყანაში მოქმედ სიმაღლურ სისტემაში;
- 1.2 მოსაკვლევი ტერიტორია მოიცავს თიანეთის, ახმეტის, ყვარელის; ლაგოდეხის; გარდაბნის; საგარეჯოს; თელავის; გურჯაანის; სიღნაღის და დედოფლისწყაროს მუნიციპალიტეტის ტერიტორიებს;
- 1.3 ძველი სანიველირო ხაზის დასახელებაა: „თელავი- პიკალები“ და „კახეთის“ ობიექტი
- 1.4. სანიველირო ხაზის სიგრძე დაახლოებით 550 კმ-ია. (იხ.). მოსაკვლევ ტერიტორიაზე რეპერების მოკვლევა არ განხორციელებულა ბოლო 30-35 წლის მანძილზე;
- 1.5 „გეოდეზიური და კარტოგრაფიული საქმიანობის შესახებ“ საქართველოს კანონის 17-ე მუხლით დადგენილია, რომ გეოდეზიურ და სანიველო პუნქტებს იცავს სახელმწიფო. დაცვის ზონა ვრცელდება გეოდეზიური პუნქტის ცენტრიდან სამი მეტრის რადიუსში. მიწის ნაკვეთების მესაკუთრეები და მოსარგებლეები , რომელთა ნაკვეთზეც მდებარეობს გეოდეზიური პუნქტი, ვალდებული არიან გეოდეზიური სამუშაოების მწარმოებელს მისცენ გეოდეზიურ პუნქტებთან მისვლის საშუალება.

2. სამუშაოების უსაფრთხოების წესების დაცვა

- 2.1 სამუშაოთა შესრულების დროს მიმწოდებელი ვალდებულია დაიცვას 1988 წელს გამოცემული „ტოპოგრაფიულ-გეოდეზიურ სამუშაოებზე უსაფრთხოების ტექნიკის წესები“-თ დადგენილი მოთხოვნები;
- 2.2 საველე სამუშაოების შესრულებისას მიმწოდებელმა უნდა დაიცვას სახელმწიფო საზღვრის შესახებ საქართველოს კანონით დადგენილი წესები.

3. სამუშაოების შესრულების წესი

- 3.1 სამუშაოების დაწყებამდე მიმწოდებელი ვალდებულია შეატყობინოს შესაბამისი მუნიციპალიტეტის გამგებელს შესასრულებელი სამუშაოების შესახებ;
- 3.2 ხელშეკრულებით გათვალისწინებული ღირებულება ანაზღაურებული იქნება მხოლოდ იმ სამუშაოთა მოცულობის ფარგლებში, რომელთა ხარისხი აკმაყოფილებს „სახელმწიფო ნიშნების საველე მოკვლევისა და სანიველირო ხაზების რეკონსტრუქციის“ ინსტრუქციის მოთხოვნებს (შემდგომში „ინსტრუქცია“);
- 3.3 შესასყიდი სამუშაოების პროდუქტი სახელმწიფო საკუთრებაა. აქედან გამომდინარე, სამუშაოთა დასრულების შემდეგ მიმწოდებელთან შესაბამისი მონაცემების და მასალების

აღმოჩენის შემთხვევა შეფასდება როგორც „საავტორო და მომიჯნავე უფლებების შესახებ“ საქართველოს კანონის მოთხოვნების დარღვევა;

3.4 ხელშეკრულებით გათვალისწინებული სამუშაოთა ტექნიკური შეთავაზების შეცვლა შესაძლებელია მხოლოდ შემსყიდველ ორგანიზაციასთან წერილობითი შეთანხმების საფუძველზე;

3.5 შემსყიდველი ორგანიზაციის წერილობითი თანხმობის გარეშე, მიმწოდებელს არა აქვს ქვეკონტრაქტორებთან ხელშეკრულების დადების უფლება.

4. შესასრულებელი სამუშაოები

4.1. მოკვლეულ უნდა იქნას სახელმწიფო სანიველირო ნიშნები - 145 რეპერი. მათ შორის:

ფუნდამენტალური რეპერი	5
გრუნტის რეპერი	73
კედლის რეპერი	62
კედლის მარკა	3
წყალსაზომი საგუშაგო	2

4.2 მოკვლევას არ ექვემდებარება 20 კედლის რეპერი და მარკა :

კედ.რეპ. № 2, № 089; № 109; №517; № 1908; № 2149; № 2456; № 2680; №2872; №8889.

მარკა № 295; 4722; №4861; №5085; № 5231; № 5387; № 6643; № 9804; № 9807; №9834.

4.3 რეპერების ჩაყრის ბარათები არ არსებობს;

4.4 საჭიროების შემთხვევაში, მოსამზადებელი სამუშაოების სისწორეზე და სრულყოფაზე, მიმწოდებელს აქვს უფლება გადაამოწმოს საწყისი მონაცემები და დოკუმენტები გეოდეზიისა და კარტოგრაფიის სამსახურის წარმომადგენელთან ერთად;

4.5 მოსაკვლევი ტერიტორიის იმ ნაწილზე, სადაც მიმწოდებელს არ გააჩნია აერო და კოსმოსური გადაღების მასალები, რეპერების მოკვლევის ბარათებში ორთოფოტოგეგმის ფრაგმენტის ნაცვლად უნდა იქნას გაკეთებული რეპერის ადგილმდებარეობის ჩანახაზი;

4.6 თუ საწყის მასალებში არ არის ან არასწორად არის ჩაწერილი რეპერების ცენტრების ტიპის ნომერი, მოკვლევის პროცესში მიმწოდებელმა უნდა იხელმძღვანელოს ცენტრების ტიპები დანართში მოყვანილი რეპერების ცენტრების ტიპების ნახაზებით და შეიტანოს შესაბამისი ჩანაწერი ან შესწორება;

4.7 იმ შემთხვევაში, თუ საველე მოკვლევის პროცესში დანამდვილებით დადგენილია რომ, რეპერი დაფარულია ასფალტით, ასეთი რეპერი უნდა ჩაითვალოს როგორც **განადგურებული**;

4.8 მიმწოდებელი ორგანიზაციის ტექნიკური მენეჯერი (სამუშაოებზე

პასუხისმგებელი პირი) ვალდებულია ჩაატაროს სატენდერო

წინადადებით გათვალისწინებული სამუშაოების ხარისხის კონტროლი განსაკუთრებულად იმ ადგილებში სადაც რეპერები განადგურებულია ან დაკარგულია;

4.9 გაუთვალისწინებელი და გაუგებარი საკითხები მიმწოდებელმა უნდა გაარკვიოს შემსყიდველთან;

4.10 „სახელმწიფო სანიველირო ნიშნების საველე მოკვლევისა და სანიველირო ხაზების რეკოგნოსცირების“ ინსტრუქციის გათვალისწინებული სიმაღლეთა ათვლის სისტემა განისაზღვროს - ელიფსოიდალური (გეოდეზიური) სიმაღლეები;

4.11 იმ კედლის რეპერებსა და მარკებზე, რომლებზეც უშუალოდ შეუძლებელია GPS-ით კოორდინატების განსაზღვრა, „ინსტრუქციით“ გათვალისწინებული განსაზღვრის საშუალო ცდობილება დაიშვება 25 სმ-მდე.

5. მიმწოდებელზე გადასაცემი მასალები

5.1 სამუშაოების ჩასატარებლად მიმწოდებელი მიიღებს მოსაკვლევი სანიველირო რეპერების *.shp ფაილს, რომელთან Hyperlink-ის საშუალებით მიბმულია გეოდეზიისა და კარტოგრაფიის სამსახურში არსებული რეპერების ჩაყრის და მოკვლევის ბარათები. გარდა ამისა *.shp ფაილის ატრიბუტულ ცხრილში მოცემულია თითოეული რეპერის ადგილმდებარეობის აღწერა, ჩაყრის წელი და ჩენტრის ტიპის ნომერი. რეპერის ჩაგდების ბარათის უარსებობის შემთხვევაში მოკვლევა უნდა ანხორციელდეს ადგილმდებარეობის აღწერილობის მიხედვით;

5.2 „ინსტრუქციის“ № 1.1; 1.2 და 1.4 პუნქტებით გათვალისწინებული მოსამზადებელი სამუშაოები განახორციელა საჯარო რეესტრის ეროვნული სააგენტოს გეოდეზიისა და კარტოგრაფიის სამსახურმა. მსხვილი მასშტაბის ტოპოგრაფიული რუკების და ორთოფოტოგეგმების გამოყენებით მოხდა მოსაკვლევი რეპერების მიახლოებითი მდებარეობის დადგენა WGS-84/UTM საკოორდინატო სისტემაში. ხოლო წყალსაზომი საგულშაოების კოორდინატები გადმოცემულია „გარემოს ეროვნული სააგენტო“-ს მიერ, ასევე სახელმწიფო კატალოგებიდან;

5.3 მოსაკვლევ ტერიტორიაზე არსებული 1:50 000 მასშტაბის ტოპოგრაფიული რუკები (საჭიროების შემთხვევაში);

5.4 ცენტრების ტიპები ნახაზები;

5.5. „სახელმწიფო სანიველირო ნიშნების სავსე მოკვლევისა და სანიველირო ხაზების რეკონსტრუქციის“ ინსტრუქცია“ და „მითითებები სახელმწიფო სანიველირო ქსელის რეპერების მოკვლევის შედეგების კამერალური შემოწმების განსახორციელებლად“.

6. სამუშაოების ხარისხის ინსპექტირება

6.1 შემსყიდველს მიერ ადგილზე რეპერების მოკვლევის შედეგების შემოწმების განხორციელების პრინციპები:

- კოორდინატების განსაზღვრის სიზუსტე;
- *.shp ფაილის ატრიბუტული ცხრილის შევსების სისწორე;
- ინსტრუქციის 1.9.3 პუნქტით გათვალისწინებული მონაცემების სისწორე;
- რეპერების ცენტრების ტიპის ჩვენების სისწორე;
- რეპერების ფიზიკური მდგომარეობის მონაცემების სისწორე;
- რეპერების და მარკების ფოტოსურათების ხარისხი, არ განიხილება ის ფოტოსურათები რომლებზეც არ წაიკითხება მარკების ნომრები;
- რეპერების მოკვლევის ბარათების შევსების სისწორე;
- „სახელმწიფო სანიველირო ქსელის რეპერების მოკვლევის შედეგების კამერალური შემოწმების განსახორციელებლად“ მითითებების მოთხოვნების დაცვა;
- გრუნტის და ფუნდამენტალურ რეპერებზე, გრავიმეტრიულ და სატრიანგულაციო პუნტებზე, ჩაყრის ბარათის არსებობის შემთხვევაში, ბარათში მკაფიო კონტურების და რეპერს შორის მითითებული მანძილების მიხედვით, ადგილზე თხრილის (რეპერის ცენტრის მოსაძებნად) გაკეთებული თხრილის ინსპექტირება.

7. საბოლოო პროდუქცია

7.1 მიმწოდებელმა შემყიდველს უნდა გადასცეს შემდეგი სახის საბოლოო პროდუქცია:

7.1.1 მოკვლეული რეპერების *.shp ფაილი, სადაც Hyperlink-ის საშუალებით მიბმული იქნება მოკვლეული რეპერების მოკვლევის ბარათების რასტრული გამოსახულება *.jpg ფაილი, ატრიბუტული ცხრილი კი უნდა შეივსოს ინსტრუქციის შესაბამისად.

7.1.2 მოკვლევის ბარათები ანაბეჭდები და *.doc ფაილები;

7.1.3 აქტები რეპერების განადგურების შესახებ (დანართი №1), ანაბეჭდები, *.doc და *.xls ფაილი. ანაბეჭდი დაერთოს განმარტებით ბარათს;

7.1.4 რეპერებზე GNSS დაკვირვების ფაილები RTK - სტანდარტულ ფორმატში (დრო 1 წუთის სიზუსტით, და თარიღი) ფაილები, ხოლო STATIC რეჟიმში - RINEX ფაილები;

7.1.5 იმ რეპერების ცენტრების სურათები რომელთა მარკა დარღვეულია ან განადგურებულია - *.jpg ფაილი;

7.1.6 განმარტებითი ბარათი (შესრულებული სამუშაოების შესახებ) ხანგრძლივი შენახვისთვის ყდაში აკინძული ანაბეჭდი და *.doc ფაილი;

7.1. გადაღებული რეპერის ადგილმდებარეობის და მარკების სურათები *.jpg ფორმატში. სურათები უნდა დაინომროს რეპერის ნომრის მიხედვით, როცა ერთი და იგივე რეპერზე გადაღებულია რამოდენიმე სურათი, სურათის ნომრის და ქვედა ტირის შემდგომ ემატება რიგითობის ნომერი. (მაგალითად 2745_1.JPG, 2745_2.JPG, 2745_3.JPG;

მომსახურების ფასთა ცხრილი

#	სანიველირო ნიშნები	რაოდენობა	ერთეულის ღირებულება	საერთო ღირებულება
1	ფუნდამენტალური რეპერი	5		
2	გრუნტის რეპერი	73		
3	კედლის რეპერი	62		
4	კედლის მარკა	3		
5	წყალსაზომი საგუმბაგო	2		
	ჯამი			